

**Tɔnɔ kuls
PIYɛɛRI
na pɔpɔni o ki bile tun
Tɔnɔ kuls Piyɛɛri na pɔpɔni
o ki bile tun na bri dɔbam
kuls tun mu tuntu**

Piyɛɛri deen pɔpɔni tɔnɔ kuntu balu maama na tɔgi Zezi tun ɲwaanɩ mu. Vwan zaasum tiinɛ zanzan deen tu ba zu Zezi noona bam wonɩ. Ba zaasum dum ma pa noona ki wo-digiru kikiɛ dwi maama.

Dɩ na manɩ si dɩ ki te si dɩ vin zaasum dum kuntu tun, ku yi si dɩ taa ve yigɔ Zezi cwɛɲɔ kam wonɩ si dɩ lwarɩ o cɩga kam dɩ wɛli da, ni balu yi na ne Zezi tun na bri dɔbam te tun.

Piyɛɛri de yigɔ o bri We noona ni ba manɩ si ba taa ɲwi ni We na lagi te tun mu, si ba taa zɩgi kɛɲkɛɲ cɩga kalu Zezi tuntuɲna bam na bri-ba tun wonɩ (pɔɔrum 1).

O ma daari o ci vwan zaasum tiinɛ bam dɩ wo-balwaarɩ tɩlu ba na jaanɩ ba zu We noona bam titari tun (pɔɔrum 2).

O laan ma bri ni noona balu na te ba wi: «Zezi daa bá joori o ba» tun, ku yi vwan mu. Zezi na daanɩ yi o ta wɔ tu tun, ku yi o ki wɔ-zuru mu dɩ noona, si ku pa ba maama na cwɛɲɔ ba lɛni ba wɔru ba yagi kɛm-balwaarɩ si We vri-ba (pɔɔrum 3).

¹ Amu Simɔn Piyɛɛri mu pɔpɔni tɔnɔ kuntu. A yi Zezi Krisi gamba-sono mu, yi a kwɛri a yi o

tɪntuŋnɔ wɔɔɔ o na kuri tɪn. Amɔ pɔpɔnɪ a pa abam balɔ Wɛ na pɛ á jɪgɪ wɔ-dɪdɔa dɪ Zezi Krisi kɔ maŋɪ dɪ dɪbam dɪ na jɪgɪ wɔ-dɪdɔa dɪd-o te tɪn, o na yɪ cɪga tu tɪn ŋwaanɪ. Wɔntɔ mɔ yɪ dɪbam Tu Wɛ dɪ dí Vɪrnɔ.

² Wɛ wɔ pa abam yu-yoŋo dɪ yazurɛ kɔ ja gaalɪ, dɪ á na tu á lwarɪ-Dɪ yɪ á ta kwɛrɪ á lwarɪ dí Yuutu Zezi tɪn.

Dí maŋɪ sɪ dí taá ŋwɪ sɪ kɔ maŋɪ dɪ Wɛ na lagɪ te tɪn

³ Wɛ dam tu Zezi Krisi pɛ dɪbam wɔŋo kɔɔɔ maama na paɪ dí jɪgɪ ŋwɪa Wɛ tee nɪ yɪ dí daari dí tɔgɪ Dɪ cwɛŋɔ lanyiranɪ tɪn, dɪ o na pɛ dí lwarɪ Baŋa-Wɛ dɪɔɔ na kuri dɪbam sɪ dí tɔgɪ dí na Dɪ paari-zulɔ, sɪ dí taá kɪ lanyiranɪ nɪ dɪntɔ na kɪ lanyiranɪ te tɪn. ⁴ Kɔ tɔgɪ Dɪ zɛnɔ yam kɔntɔ ŋwaanɪ mɔ, yɪ Dɪ pa dɪbam wo-laarɔ tɪɔɔ na tiini tɪ jɪgɪ kuri yɪ Dɪ ya go nɪ sɪ Dɪ pa dɪbam tɪn. Dɪ zɛnɪ abam kɔntɔ, sɪ Dɪ pa á wanɪ á lu lɔgɔ baŋa wo-yɔɔrɔ tɪɔɔ fra na ganɪ nɔɔna kɔ paɪ ba wɔbɔŋa cɔgɪ tɪn mɔ, sɪ á daari á taá jɪgɪ Wɛ ŋwɪa kam á bɪcara nɪ.

⁵ Kɔntɔ ŋwaanɪ, á tiini á kwaanɪ sɪ á pa lanyiranɪ kɛm tɔgɪ dɪ wɛɪɪ á wɔ-dɪdɔa kam á na maŋɪ á kɪ dɪ Wɛ tɪn nɪ,

sɪ á wɛɪɪ yɛno á lanyiranɪ kɛm dɪm dɪ wɔnɪ,

⁶ sɪ á daari á ja á tɪtɪ á wɛɪɪ á yɛno kɔm wɔnɪ,

sɪ á wɛɪɪ pu-dɪa á na jɪgɪ á tɪtɪ te tɪn wɔnɪ,

sɪ á taá tɔgɪ Wɛ cwɛŋɔ lanyiranɪ á wɛɪɪ á pu-dɪa kam dɪ wɔnɪ,

⁷ sɪ á taá jɪgɪ á ko-biɛ ŋwanɔ á wɛɪɪ á na tɔgɪ Wɛ cwɛŋɔ lanyiranɪ te tɪn wɔnɪ,

sɪ á taá soe noona á wəli á na jigi da-ɲwanja te
tɪn dɪ wɔni.

⁸ Abam na sɪni á jigi wo-laaru tum kuntu ku ja
gaali, tɪ wó cɪ abam sɪ á yɪ taá yɪ yawɔri-nyina,
yɪ kó pa á fɔgi á tiini á lwarɪ dí Yuutu Zezi Krisi
á wəli da. ⁹ Nɔɔnɔ wɔlɔ nan na ba jigi wo-laaru
tum kuntu tɪn, kuntu tu warɪ o lwarɪ Wɛ cɪga
kam, o nyɪ dɪ lilwe mu te. O swe ni o dɛen na kɪ
lwarma yalɔ tɪn maɲɪ ya saari.

¹⁰ Kuntu ɲwaanɪ, a ko-biə-ba, Wɛ na bəɲi
abam sɪ á taá tɔgi-Dɪ yɪ Dɪ kuri abam sɪ á taá yɪ
Dɪ noona tɪn, kwaanɪ-na á pa á na tɔgi-Dɪ te tɪn
tiini ku taa jigi kuri lanyɪranɪ. Á na kwaanɪ á kɪ
kuntu don, á daa bá ywəri Wɛ cwəɲə kam wɔni.

¹¹ Kuntu, Wɛ wó yagi cwəɲə Dɪ pa abam fast, sɪ
á na jəɲə je Zezi Krisi paari dɪm wɔni. Wɔntɔ
mu yɪ dɪbam Yuutu dɪ dí Vɪrnɔ, yɪ o paari dɪm
ba jigi tiim maɲa dɪ maɲa.

¹² Mu ku kuri amɔ joori a paɪ á guli wo-laaru
tum kuntu wonɔ maɲa maama. Abam nan maɲɪ
á ye-tɪ, yɪ á sɪni á tɔgi cɪga kalɔ á na lwarɪ tɪn.

¹³ A nan buɲɪ ni ku lana, sɪ amɔ ta na wɔ lɔgɔ
baɲa ni tɪn, sɪ a taa guli abam kuntu don, sɪ ku
pa á taá jigi tɪ wɔbɔɲa. ¹⁴ A ye ni ku daa bá
daani sɪ a tɪ, ni dí Yuutu Zezi na pɛ a lwarɪ te
tɪn. ¹⁵ Amɔ nan wó kwaanɪ a kɪ wonɔ kulɔ na wó
pa á taá wai á guli wəɲnu tum kuntu gulə maɲa
maama amɔ tɔvɔni kwaga ni tɪn.

Dí na sɪni dí lwarɪ Zezi cɪga kam te tɪn

¹⁶ Dɪbam dɛen pɛ á lwarɪ dí Yuutu Zezi na tu
dɪ dam nabiinə tɪtari ni te tɪn. Dí na pɛ á lwarɪ o
cɪga kam kuntu tɪn, ku dai sɪnswali mu dí mɛ dí

brɪ abam nɪ nɔɔna na maɪ ba tɪtɪ swan ba brɪ te tɪn. Dɪbam tɪtɪ yɪ nan mʊ nɛ o na jɪgɪ Wɛ paari-zulə cɪga cɪga te tɪn. ¹⁷ Dɪ ma na Zezi na jonɪ tɪə dɪ zulə o Ko Wɛ tee nɪ maɲa kalɔ o yibiyə na ləni yɪ Paɲwa Baɲa-Wɛ ɲɔɔnɪ Dɪ wɪ:

«Amʊ Bu mʊ tɪntʊ, a so-o dɪ a wʊ maama.

Amʊ tiini a jɪgɪ wʊpɔlo dɪd-o.»

¹⁸ Dɪbam tɪtɪ nɪ kwərə kam kʊntʊ na ɲɔɔnɪ Wɛ-sɔɲɔ nɪ maɲa kalɔ dɪbam dɪ Zezi dɛɛn na wʊ piu kʊlʊ Wɛ na ɲɔɔnɪ kʊ yuu nɪ tɪn.

¹⁹ Kʊntʊ, dɪ nan ta ye fastɪ nɪ taanɪ dɪlʊ Wɛ nijɔɲnə bam na brɪ faɲa faɲa tɪn sɪnɪ dɪ yɪ cɪga mʊ. Kʊ maɲɪ sɪ á taá maanɪ á nii dɪ na yɪ te tɪn. Taanɪ dɪntʊ nyɪ dɪ ba na tarɪgɪ kanɪa ba zɪgɪ lim je nɪ yɪ ka paɪ pooni wʊra sɪ kʊ vu kʊ yɪ tɪ-pura te tɪn mʊ. Zezi Krisi pooni dɪm laan wʊ ba dɪ taa wʊ á bɪcara nɪ, nɪ naɲɔgɔ na funɪ yɪ pooni wʊra te tɪn. ²⁰ Kʊlʊ na dwe dɪdɪ sɪ á lwarɪ tɪn mʊ tɪntʊ: Nɔɔn-nɔɔnʊ bá wantɪ o ma o tɪtɪ wʊbʊɲa yɪranɪ o brɪ Wɛ kwərə kalɔ na pʊpʊnɪ Dɪ tɔɲɔ kʊm wʊnɪ tɪn kuri. ²¹ Bɛɲwaanɪ Wɛ kwərə kam Dɪ nijɔɲnə bam dɛɛn na tɔɔlɪ tɪn wʊ nuɲɪ nabiinə wʊbʊɲa wʊnɪ. Kʊ nan yɪ Wɛ Joro kʊm mʊ pɛ nɔɔna jɪgɪ dam yɪ ba wai ba tɔɔlɪ Wɛ tɪtɪ kwərə kam.

2

Vwan zaasɪm tiinə na wʊ ba ba ganɪ nɔɔna te tɪn

(Zudi 4-13)

¹ Faɲa faɲa tɪn, nɔɔna dɛɛn mʊ wʊ Wɛ nɔɔna bam wʊnɪ ba na brɪ nɪ ba yɪ Wɛ nijɔɲnə yɪ ba yagɪ ba dai. Vwan zaasɪm tiinə dɪ wʊ ɲɔ ba zʊ abam wʊnɪ kʊntʊ, yɪ ba kɪ swan ba brɪ abam

zaasım dılb na dai We nyım yi di cɔɣi nɔɔna tın. Bantu mu vın ba Yuutu Zezi wulb na ɲwı ba lwarım jını sı ba taa yi o nɔɔna tın. Kuntu ɲwaanı ba kikiə yam wó pa We cɔɣi-ba lıla. ² Nɔɔna zanzan nan wó se ba tɔɣi ba na brı kulb tın, yi ba di kı ba wo-digiru kikiə yam kuntu doɲ. Ba na kı wəənu tılb tın wó pa nɔɔna taa yáalı We zaasım dılb na yi cıga tın. ³ Vwan zaasım tiinə bam kuntu na yi wo-swən-nyına tın, baá kwaanı ba ma bıtar-ywe ba ganı abam, sı ba ma na nyɔɔrı abam baɲa nı. We nan maɲı Dı ti Dı yigə faɲa faɲa sı Dı di bantu sariya, yi cam wó ba ba baɲa lıla.

⁴ Kɔ nan na yi malesı sılb deen na cɔɣi tın di, We wɔ yagı-sı. Dı dı-sı Dı yagı min-tıv nı mu, me ba na kwaanı-sı lim wɔnı, sı sı taa wura taan, sı kɔ vu kɔ yi Dı sariya de dım tın. ⁵ We deen wɔ yagı faɲa faɲa nɔɔna balb na wɔ lɔɣu baɲa nı yi ba kı lwarım tın. Nowe mu We vrı Dı wəli di nɔɔna barpe, di wɔntu na tɔɔlı We cıga kam o brı nɔɔna te tın. We ma daarı Dı cɔɣi balb na vın Dı ni tın, Dı pa dɔa tiini ka nı yi na li lɔɣu baɲa, yi ba maama tı.

⁶ Kɔ daa ta na yi nɔɔna balb deen na zɔvı Sodom di Gomɔɔrı nı tın, We pe mini mu di ba je sım kuntu kɔ daarı tıntwarım yıranı, sı kɔ brı nı ba ba jıɣı bura. Dı cɔɣi-ba kuntu sı kɔ taa yi maana mu kɔ paı balb maama na buɲı sı ba vın Dı ni tın. ⁷ Dı ma daarı Dı vrı Lotı ba wɔnı. Wɔntu deen mu se We cıga kam, yi o wɔ tiini kɔ cɔɣi di nɔn-balwaarv tım na kı wo-digiru kikiə te tın. ⁸ O na yi nɔn-ɲum yi o zɔvı di ba tın, o nai ba kəm-lwaanv tım de maama yi o ni ba

niə-bítarɪ sɪm na yɪ te tɪn. Kɔ maa tiini kɔ jɪgɪ wɔ-cɔgɔ dɪd-o dɪ ba na tɔŋɪ ba cɔgɪ Wɛ cullu tɪm te tɪn.

⁹ Kɔntɔ, dɪ Yuutu Baŋa-Wɛ wai Dɪ vrɪ balɔ na tɔgɪ-Dɪ tɪn sɪ ba yɪ cɔgɪ dɪ maŋɪm dɪlɔ na yɪ-ba tɪn. Kɔ nan na yɪ balɔ na vɪ-Dɪ tɪn, Dɪ wai Dɪ pɪuna yɪ Dɪ cɛgɪ-ba sɪ kɔ vɔ yɪ Dɪ sariya dɛ dɪm, sɪ Dɪ laan pa ba na cam. ¹⁰ Kɔ na dwe dɪdɪ balɔ na tɔgɪ wo-digiru kikiə yalɔ ba fra na zɔvɪrɪ yɪ ba ba lagɪ sɪ ba sɛ wɔlɔ na jɪgɪ ni ba baŋa nɪ tɪn, Wɛ wɔ pa ba na cam kɔ ja gaalɪ.

Vwan zaasɪm tiinə bam kɔntɔ ba kwarɪ cavɪra, ba nan ba nɪgɪ nɔɔn-nɔɔnɔ dɪ. Ba maa ba kwarɪ fɔvɪnɪ sɪ ba ŋɔɔnɪ ba twɪ dɪdɛera balɔ na wɔ weyuu tɪlampolo nɪ tɪn. ¹¹ Nan dɪ Wɛ malesɪ sɪm na tiini sɪ jɪgɪ dam sɪ dwe vwan zaasɪm tiinə bam kɔntɔ tɪn, sɪ ba sɛ sɪ twɪ dɪdɛera bam kɔntɔ sɪ ŋɔɔnɪ ba wɔŋo dɪ Yuutu wɔm yigə nɪ. ¹² Vwan zaasɪm tiinə bam yəni ba ŋɔɔnɪ ba twɪ wəənu tɪlɔ ba na yəri tɪ kuri tɪn mɔ. Ba ma kɪ yɔɔ yɔɔ nɪ ga-vara na ba jɪgɪ wɔbɔŋa yɪ ba kɪ te tɪn. Ga-vara wɔra sɪ nɔɔna mɔ taa jaanɪ-ba ba gɔɪ. Nɔɔna bam kɔntɔ dɪ nan wɔ cɔgɪ nɪ ga-vara mɔ te. ¹³ Wɛ wɔ pa ba na yaara sɪ kɔ maŋɪ dɪ ba dɪ na pɛ nɔɔna na yaara te tɪn. Ba ma kɪ wɔpɔlo dɪ wo-digiru tɪlɔ ba fra na zɔvɪrɪ tɪn, yɪ ba kɪ-tɪ jaja wɪa tɪtarɪ nɪ. Ba kəm dɪm yɪ digiru dɪ cavɪra mɔ abam tɪtarɪ nɪ, maŋa kalɔ á na yəni á la daanɪ sɪ á dɪ wɔdiu yɪ ba ta kɪ wɔpɔlo dɪ ba lwarɪm dɪm tɪn. ¹⁴ Bantu wɔbɔŋa zɔ boorim kikiə yɪranɪ mɔ. Ba brɪ ba ba jɪgɪ siun dɪ wo-balwaarɔ kəm, yɪ ba sɔgɪ balɔ wɔbɔŋa dɪ na bwənə tɪn ba pai ba tusə. Ba maa

tiini ba yɪ wo-swən-nyuna dɪ. Wɛ nan wó cɔgɪ-ba.
¹⁵ Bantu ma yagɪ cwə-laa tɔgɪm, yɪ ba ywəri ba
 vu ba tɔgɪ Bozori bu Balam cwəŋə kam. Wɔntu
 yɪ dɛɛn ma su səbu kɔlɔ o na wó na o kəm-balɔɔ
 kɔm ŋwaanɪ tɪn. ¹⁶ O na vɪn Wɛ ni tɪn, Dɪ ma pa
 varɪm na ba ŋɔɔnɪ tɪn ŋɔɔnɪ nɪ nabiinu te. O tɪtɪ
 bɪnaga mɔ ŋɔɔnɪ ka kaan-o, sɪ kɔ cɪ Balam na yɪ
 Wɛ nijɔŋnu tɪn dɪ jwərim dɪlɔ o na lagɪ o kɪ tɪn.

¹⁷ Nɔɔna bam kɔntɔ nyɪ dɪ buli-yiə yalɔ na ba
 buri tɪn mɔ, yɪ ba ta nyɪ dɪ kunkwəɛnu tɪlɔ vu-
 fɔɔ na kalɪ kɔ pa tɪ jagɪ tɪn. Wɛ nan lɪ jəgə kalɔ
 na tiini ka yɪ lim tɪn mɔ sɪ Dɪ kɪ-ba da. ¹⁸ Ba maa
 tiini ba ŋɔɔnɪ kamunni-bitari sɪlɔ na ba jɪgɪ kuri
 tɪn, yɪ ba mai wo-yɔɔrɔ tɪlɔ nabiinə fra na zɔɔrɪ
 yɪ tɪ yɪ wo-digiru tɪn ba ma ganɪ balɔ laan na
 pɔɔrɪ ba tɪtɪ dɪ nɔɔna balɔ na yəri Wɛ cwəŋə tɪn.
¹⁹ Ba maa tɛ dɪ nɔɔna nɪ, ba na dɛ bam cwəŋə
 kam, baá ta te ba tɪtɪ. Balɔ nan na tɛ kɔntɔ
 tɪn tɪtɪ yɪ gambe mɔ, dɪ ba kikiə yam na jɪgɪ-
 ba ya ve cɔgɪm wɔnɪ tɪn. Bɛŋwaanɪ, wɔŋo kɔlɔ
 maama nɔɔnɔ na paɪ kɔ te-o tɪn, o yɪ kɔ gambia
 mɔ. ²⁰ Nɔɔna balɔ na lwarɪ Zezi Krisi wɔlɔ na yɪ
 dɪbam Yuutu dɪ dí Vɪrnɔ tɪn, ba lugi lɔgɔ baŋa
 wo-digiru tɪm mɔ. Ba laan nan na joori ba pipiri
 ba sɛ ba paɪ tɪ te-ba, ba kweelim je wó tiini kɔ taa
 yɪ lɛɛrɔ dɪ ba kɔ dwəni pulim nɪ. ²¹ Bɛŋwaanɪ,
 ba ya na wɔ lwarɪ Wɛ cɪga cwəŋə kam, kɔ ya
 wó ta lana kɔ pa-ba kɔ dwe ba na lwarɪ-ka yɪ ba
 laan pipiri ba za ba wɔbɔŋa dɪ Wɛ ni dɪlɔ Dɪ na
 pɛ-ba sɪ ba taa tɔgɪ tɪn. ²² Bantu na kɪ te tɪn nyɪ
 dɪ bitar-dɪndɪa kalɔ na tagɪ cɪga ka wɪ:

«Kakurə joori ka di ka tɪtwaanɔ.»

Bitar-dɪndɪa kadoŋ dɪ ta wɪ:
 «Nmɔ na jaanɪ tɛru n swɛ o yira,
 o ta wɔ joori o bibili bwɛru wɔnɪ mɔ.»

3

Dí Yuutu Zezi wɔ sɪnɪ o joori o ba nɪ o na tagɪ te tɪn

¹ Amɔ badon-sonnu-ba, tɔnɔ kɔntɔ amɔ na pɔpɔnɪ a pa abam tɪn laan kɪ tile mɔ. Twaanɔ tɪm kɔntɔ maama wɔnɪ amɔ kwaanɪ sɪ a guli abam Wɛ cɪga kam na yɪ te tɪn, sɪ kɔ pa á taá jɪgɪ wɔbɔŋ-ŋɔna mɔ. ² Kɔ yɪ sɪ a ma guli abam faŋa faŋa Wɛ nijɔŋnɔ bam na maŋɪ ba brɪ kɔlɔ tɪn mɔ, sɪ á daari á guli dí Yuutu dɪ dí Vɪrnɔ Zezi nɪ dɪm o tɪntɔŋna bam na brɪ abam tɪn.

³ Kɔlɔ na dwe dɪdɪ tɪn, á taá ye nɪ, lɔgɔ baŋa tiim da yam na yɪə, nɔɔna badonnɔ wɔ ta wɔra ba na tɔgɪ wo-yɔɔrɔ tɪlɔ ba tɪtɪ fra na zɔɔrɪ tɪn, yɪ baá ta jɪgɪ abam ba mwana ba wɪ: ⁴ «Wɛ goni nɪ nɪ Dɪ Bu wɔm ta wɔ joori o ba lɔgɔ baŋa. Bɛɛ mɔ nan kɪa yɪ o ta wɔ tu? Dí kwə maŋɪ ba tɪ, yɪ wəənu maama nan taa yɪ nɪ tɪ na maŋɪ tɪ yɪ te lɔgɔ baŋa pulim nɪ tɪn mɔ.»

⁵ Balɔ na ŋɔɔnɪ kɔntɔ tɪn paalɪ ba swe mɔ. Ba ba lagɪ sɪ ba sɛ nɪ weyuu dɪ tɪga baŋa maŋɪ tɪ wɔra faŋa faŋa mɔ, yɪ Wɛ nɪ dɪm mɔ pɛ tɪ wɔra kɔntɔ. Wɛ dɛɛn pɛ tɪga kam nuŋɪ na wɔnɪ mɔ, yɪ na bam ŋwaanɪ pa lɔgɔ baŋa ta wɔra. ⁶ Kɔ nan ta yɪ na mɔ Wɛ dɛɛn mɛ Dɪ cɔgɪ faŋa faŋa lɔgɔ kɔm, dɪ Dɪ na pɛ dɔ-fara kam nɪ yɪ ka na bam li-kɔ tɪn. ⁷ Kɔ nan ta yɪ Wɛ nɪ dɪm kɔntɔ mɔ paɪ zɪm weyuu dɪ tɪga baŋa kam ta wɔra, sɪ

ku taa ve maɲa kam DI na wó pa mini cɔɣi-ti tɪn. Kuntu, Wɛ tiɲi-ti si ku vu ku yi de dɪlɔ DI na wó di nabiinə sariya, yi DI daari DI cɔɣi balu na vi-DI tɪn mu.

⁸ A badon-sonnu-ba, á maɲi si á lwarɪ woɲo kuntu ni ni, ku na yi di dí Yuutu Baɲa-Wɛ, de didwi nyi di bɪna mɔru mu, yi bɪna mɔru di nyi di de didwa mu te Wɛ tee ni. ⁹ Nɔɔna badaara buɲi ni dí Yuutu wɔm daani yi o wɔ tu ni o na goni ni te tɪn. O nan ki wɔ-zuru mu di abam, beɲwaanɪ o ba lagi si nɔɔn-nɔɔnu cɔɣi, o lagi si nɔɔna maama mu na cwəɲə ba ləni ba wɔru ba yagi kəm-balwaarɔ tɪm. ¹⁰ Dí Yuutu Zezi tum de dɪm nan wó ba di dari dɪbam ni ɲwɪtu na yəni o ba te tɪn mu. De dɪm kuntu ni sɔɔ zanzan wó ki weyuu ni, yi weyuu kum wó ba ku je maama. Ku daari mini mu wó di wəənu tɪlɔ maama na wɔ weyuu ni, yi tɪga di wəənu tɪlɔ maama na wɔ ka baɲa ni tɪn je.

¹¹ Wəənu tɪntu maama nan na lagi ti ba ti cɔɣi kuntu tɪn, á ye á laan na maɲi si á taá yi te. Á maɲi si á taá tɔɣi Wɛ di wɔ-poɲo mu, si á taá ki DI wɔbuɲa na lagi te tɪn. ¹² Abam nan na cəɣi de dɪm Wɛ na wó pa Zezi joori o ba tɪn, si á kwaanɪ á taá ki te na wó pa o ba lɪla tɪn. De dɪm kuntu na yiə, mini mu wó di weyuu maama di cɔɣi, yi kú pa ku wəənu maama lɔni yi ti nyɪtu ti cɔɣi. ¹³ Wɛ nan goni ni si DI ki weyuu-dɔɲɔ di ti-dɔɲa mu. Dáani mu DI wó pa wəənu maama taa tɔɣi cɪga. Tɪntu wəənu tɪm mu dɪbam nan cəɣə yi dí tɪna.

¹⁴ Kuntu ɲwaanɪ, a badon-sonnu-ba, á na cəɣi wəənu tɪm kuntu si ti ba ti ki tɪn, á kwaanɪ á pa

á wuru taa lana, si á yi taá jigi tusim We yigə ni, si á daari á taá ŋwi di ywəəni di We. ¹⁵ Dí Yuutu wum nan na ki wu-zuru yi ku daani tin, Iwarina ni ku yi si ku ma pa nɔɔna mu na cwəŋə ba na vrim. Dɔbam ko-bu-sono Pooli maŋi o pɔpɔni kuntu doŋ mu o pa abam, ku nan tɔgi di We na pɛ-o swan yalu tin mu. ¹⁶ O na pɔpɔni twaanu tɔlu maama o ma bri wəənu tim kuntu ciga kam tin, o yəni o tɛ kuntu doŋ mu ti wɔni. O nan pɔpɔni wəənu tidonnə ti na dana si nɔɔna wani ba ni ti kuri, ku pa balu na yəri We ciga kam lanyirani yi ba wubɔŋa bwənə tin jigi o zaasim dim kuntu ba pipirə, ni ba na yəni ba pipiri We twaanu tɔdaara di te tin. Ku nan wó ja ba titi cɔgim mu ku ba.

¹⁷ Ku nan na yi abam, a badon-sonnu-ba, á laan ye ku na wó ba ku taa yi te tin. Kuntu ŋwaan, taá cu-na á titi, si á yi pa nɔn-balwaarɔ na cwəŋə ba di abam ba tusim dim wɔni si ku pa á ga jəgə kalu á ya na zigi da tin. ¹⁸ Á nan ta ve yigə, si á taá ŋwi Zezi Krisi zaani dim wɔni, si á fɔgi á lwar-o á wəli da.

Wuntu mu yi dɔbam Yuutu di dí Vɔru. Zulə yi wuntu nyim mu lele kuntu si ku taa ve maŋa kalu na ba ti tin. Amina.

Wε Τονο δι kasum

Kasem (Kassem): Wε Τονο δι kasum New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 22 Feb 2024 from source files dated 29 Jan 2022

993cfae5-b100-5981-87e7-5a648d773cb9